



漢書門類	九五七九	函架冊	四一
------	------	-----	----

漢書	九五七九	函架冊	四一
----	------	-----	----

内閣文庫	
番號	漢 9579
冊數	40 (37)
函號	296 98

例案續增 卅五之七



例案續增新編卷三十五

乾隆元年起

營造

擅造作

金磚准添制磚併增運脚

浙江修造戰船照江南津貼例

戰船內洋遇非常颶風擊碎准免賠修

修理倉庫

上江營房准給歲銀兩

縣令玩視塘汛不准戴罪修建

乾隆十一年起

工律

淺草文庫

營造

擅造作

浙省各屬城垣分別興修
侵冒城工銀兩上司分賠

例案續增新編卷三十五

錢唐沈如埏 澥齋 編輯

工例

營造

擅造作

金磚准添副磚併增運腳

工部為遵

旨議覆事議得署理蘇州巡撫許 奏稱據署布政使司鹽驛道孔 詳
稱燒造金磚

欽工攸繫而磚身重大燒造艱難火力未到色黃質脆火力稍過又多損
裂出火之後灌水不勻便至色雜其中碎斷更不中欸是以例造副
磚以備選擇前明皆造一正一副 國初亦係一正一副順治十五

年准一正一副俱載在會典及有報銷冊案可據康熙十八年准十
正三副二十九年准十正一副當十正三副之時前撫臣楊 將所
減七塊令窰戶自備一分松江常鎮池太六府協捐六分卽當十正
一副之時亦將所減九分照例攤派迨至雍正四年並之一副則全
數派捐彼時耗羨尚未歸公各屬易于捐辦自耗羨歸公之後一切
派捐奉

旨禁革若以從前並未報銷故不准動用耗羨將派之州縣窰戶則豈堪
賠累將亭造副磚則正之合式者十不得五

欽工貽悞似應奏明一尺七寸二尺金磚須一正一副二尺二寸金磚須
一正二副均不可少等因前來臣查燒造金磚磚身愈大完整愈難
出窰選解十不得五所以舊例准造副磚原係必須實非糜費再四
籌維自應如該司所請繕摺恭奏等語查各省辦解物料銷算錢糧

事件固不應苛刻以累官民亦不便濫行准給以滋浮冒蕪州省燒
造內開順治十二年題准舊例二尺金磚造一正二副尺七寸金磚造
一正一副料價繁費每副磚十塊減去七塊准造三塊十五年覆准
一正一副康熙十八年准十正三副二十九年准十正一副雍正三
年燒磚之時則僅開銷正磚無論十正未准三副卽十正一副亦無
准給是該省副磚節年遞減誠以金磚價值原多尺七者每塊准銷
銀四錢八厘零二尺者每塊准銷銀四錢九分較之尋常磚塊價已
數倍縱因磚身重大燒造艱難出窰選解不無耗汰而價值之盈餘
自足抵補今該署撫奏請動用存公銀兩燒造副磚一尺七寸金磚
及一尺金磚須一正一副其二尺二寸金磚須一正二副實屬太浮
但查工程內需用金磚之處原取其質堅體膩稜角周正稍有稜角
不全或驚紋顯露與聲啞者俱難副用是以該省于金磚解京之時

每正磚十塊外解副磚一塊以備選擇臣等細思此項副磚若不准其解京則磚之內間有不合式者勢難趕辦副用該省省既于正磚十塊之外備解副磚一塊若以解到之副磚仍不准銷價值恐難免地方貽累應將所造一尺七寸及二尺金磚二尺二寸金磚每造正磚十塊均准其動用存公銀兩燒造副磚一塊同正磚一並解京仍令該撫轉飭承辦之員務須加謹督造挑選磚體細膩稜角周正聲音响亮者慎重解送毋得藉有副磚備選草率辦解又查蘇州省燒造二尺二寸金磚先據該撫咨報正磚每塊需銀九錢一分零副磚每塊需銀六錢二分零臣部以二尺金磚每塊價銀四錢九分零其二尺二寸者雖畧加寬厚斤數稍重其價值亦不應相去懸殊是以行令核減在案今該撫既稱磚愈大則成造愈難需費愈重萬難再減等語應如該署撫所請二尺二寸金磚正磚每塊准銷銀九錢一分零副磚每塊准銷銀六錢三分零又查康熙二十五年

太和殿墁地蘇州省燒造二尺金磚僱覓民船運送每塊僱船水腳銀三錢七分自通運京車腳銀一錢九分零押磚夫銀五厘零共銀六錢八分零今岳格莊需用金磚自該省運至通州卽行交卸並非徑運京城者可比照康熙二十五年民船運送之例實無車腳之費今若照該署撫所請除按依從前民船之例准給外復另給協貼銀一百六十餘兩是浮准之中復行浮准甚屬未協今臣等按例酌核應將前項金磚一百塊照依從前僱覓民船每塊運腳價銀六錢八分零之例扣除運京車腳銀一錢九分零實准銷銀四錢九分零可也乾隆二年十一月初八日奉

旨依議

浙江修造戰船照江南津貼例

工部爲請定戰船工料以期畫一事議得閩浙總督馬 疏稱浙江
修造外海各項戰哨船隻准部咨令將原報准銷部貼銀兩統計其
銀若干按照江南津貼之例分別部貼銀數畫一造具簡明清冊送
部以便永遠遵循並將更換桅木年限物料價值及修造各船舊料
變價銀兩一並冊內聲明具題查核等因今據寧台溫處等道乍浦
營叅將遵照各造具清冊詳請送部等因前來查浙省修造各項戰
船每部價一百百外加津貼銀自一百五十兩起至四百餘兩多寡
不等難以永定章程臣部奏請行令該督倣照江南修造船隻律貼
之數畫一造報以便永遠遵循在案今該督將浙省各廠修造戰哨
等船原報准銷部貼銀兩統計核算按照江南津貼之例分別部貼
畫一造冊前咨臣部按冊查核與該省准銷之數相符除將送到請
冊存部備查外應令該督嗣後各船屆期修造一體遵照題佑題銷
畫一辦理可也乾隆十年七月二十七日奉

旨依議

戰船內洋遇非常颶風擊碎准免賠修

福撫盧 爲戰船是被颶風仰乞

天恩一例免賠事切查閩安右營瀾字七號戰船 隻年屆大修慶字七
號戰船一隻年屆小修經原任鹽法道高 領價修竣忽遇乾隆二
年八月十五日颶風擊碎經署撫臣郝 委員驗寔取結在案臣于
估報五十七隻等事案內與安字一號繪船一並題請補造准到部
覆安字一號繪船准其動項瀾七慶七二船並非出洋遭風打破著
落賠造等因查戰船定例出洋遭風免其賠補內河遭風不准動項
因其管駕看守不慎例應著落賠造但閩省去年八月十五日颶風
大風臣入覲回任業經會同督臣郝 題報情形邀

恩賑恤在案一切城垣衙署祠宇橋梁等項俱入風災案內陸續請修動
撥公項錢糧准有部覆所有瀾字七號慶字七號兩船雖未出洋適
遇風災寔非人力所能防範較之尋常內河擊碎者不同似應與安
一繪船一體免其賠補且查鹽道高 承修瀾字七號一船僅領大
修價貼銀三百六十六兩慶字七號一船僅領小修價貼銀三百三
十二兩戰船應新造共計工料銀一千七百三十七兩零是較之原
領大修小修之數多銀一千餘兩如以承領大修小修之價令賠新
造之船似于例亦未符查此二船照例于題報之日起限卽行動項
趕造完竣以濟軍工伏乞

皇上俯念船遇颶風與尋常擊碎不同令賠另造較領修料價更數倍可
否仰邀

天恩一例免其賠補出自

聖裁乾隆二年八月 日奉

硃批著照所請該部知道

上江營房准給歲修銀兩

江督那 為請

旨事切照陸路水路各汛墩臺營房為兵丁棲止巡防要務必應隨時修
葺俾令完固方為有濟查下江所屬各汛營房于動項修整之後經
臣奏請新造營房于六年限內每年每間給修費銀三錢牌坊木樓
烟籠等項不計修造年分每項每年各給修費銀五分于二八月兩
次交汛弁責令兵丁自行隨時修補該管員弁不時查勘除江岸海
濱颶風暴雨潮汐衝究致有坍塌酌量免賠外其餘如仍復不經心
任聽坍塌官則分賠兵則革換所需歲修銀兩耗羨內撥給報銷等
因會摺具奏奉

殊批著照鄉等所請行欽此欽遵在案嗣據安徽布政使晏 詳稱上江

營房于請

旨事案內經前督臣慶 奏准動用匣費銀兩現在陸續勘修其歲修之費從前未經議及下江營房既經官修上江營房事同一例應候現在各屬報到修完交替日期即行註冊一例按年歲修其各屬內有原係完好營房現在雖未動項勘修而將來歲修之需亦屬一例應一并按年給發以免傾頽再上江雖因耗羨不敷是以現修營房請動匣費銀兩今歲修之費應并于匣費銀內動支等情到臣當經臣循例咨明戶部去後今准戶部覆稱今臣自行奏明臣查營房歲修乃必需之項上下兩江自應畫一辦理相應仰懇

聖恩將上江營房俯照下江之例一體准給歲修永定章程于汛守官審裨益乾隆二年十一月初八日奉

殊批著照那蘇圖所請行該部知道

縣令玩視塘汛不准戰罪修建

吏部為查叅玩視塘汛之縣令等事會議得內閣交出湖撫蔣 奏稱竊照整飭營伍因在技勇器械之嫻熟而水旱塘汛營房墩臺等項觀望所係亦屬緊要委把總馮金彪稟稱密勘東安縣水旱塘共二十四處旱塘兵丁住房望樓烟墩牌樓等項俱係破爛該縣本年並未動工修理訪之該地方舖司保甲汛兵人等俱稱該縣本年並未親勘亦未差役一查其水塘係通粵省大路並無官廳至兵房哨船各項亦未修整惟牌坊畧加修補等語臣等東安縣孔傳篤于本年五月二十九日文報旱塘一十八處塘房墩臺哨樓等項俱經修整齊全堅固彩畫鮮明水塘六處官廳營房均屬齊全合式間有剝落業已捐資製造完固并將塘房屋墩臺哨船等項開冊呈該現存

在案該縣文報齊全堅固何等整鑿乃經委勘盡屬子虛似此塘汎重務臣屢次叮嚀申飭令其實力整頓而該縣竟視具文任意捏稱修整若止從寬記過則各屬不知儆懼凡有地方事以一詳詳了事徒然紙上空談不能使地方日有起色臣擇其怠忽尤甚者據實查奏仰懇

皇上勅部將東安縣知縣孔傳篤嚴加議處勒限戴罪在任修建完固以觀後效庶懲一儆百各屬俱知謹慎臣仍不時委員查勘庶塘汎可以漸為整頓矣等因前來應將東安縣知縣孔傳篤照例革職查孔傳篤既經議以革職該撫所請勒限戴罪在任修建以觀後效之處應毋庸議其未經修建完固之塘坊墩臺哨樓官廳管房等項應令該撫照例飭令接任之員作速修理完固造入交代可也乾隆九年
月二十九日奉

旨依議

浙省各屬城垣分別興修

工部為遵

旨籌辦浙省各屬城垣等事該臣會議得聞浙總督馬 浙江巡撫常

奏稱接准內閣寄字乾隆九年十月二十六日奉

旨顧辦此摺並硃批着抄錄存記除直隸城垣現經辦理毋庸封寄外其餘各省督撫遇有奏事之便可寄去閱看令其仿照辦理城垣為民生保障應隨時脩補但須善為辦理勿致累民欽此并抄寄河南巡撫臣顧 原摺到臣等遵卽細加閱看行令布政司逐一確查佑報去後今催據布政司潘 查明分別具詳前來臣等查浙省十一府共七十七州縣內除杭州府屬之臨安於潛昌化湖州府屬之武康金華府屬之義烏永康嚴州府屬之淳安壽昌桐廬分水處州府屬縉雲

松陽遂昌雲和龍泉景寧宣平等一十七州縣俱向無城垣或倚山
峽或臨水濱地勢逼狹卽就民居之環繞藉屋爲垣壘石爲堞或築
土墻閼閘隨時補葺相沿已久廬墓攸閼勢難更建應仍各循其舊
又杭屬之新城嘉屬之嘉興石門湖屬之安吉德清孝豐紹屬之蕭
山餘姚新昌台屬之黃巖金屬之東陽湯溪溫屬之永嘉瑞安泰順
處屬之麗水等一十六州縣并玉環城垣現皆堅固仁和錢塘二縣
所管杭州府城係省會重地遇有坍塌應循舊例隨時動項修葺分
別咨 題又平陽樂清二縣及所轄金鄉蒲壯大疴盤石黃華閼等
處城垣已據專案 題咨奉部覆准與修又海寧富陽海鹽西安常
山建德遂安七縣并平湖縣之乍浦東門等處城垣亦于乾隆九年
秋間被水案內彙 題動項修葺統歸各本案報銷毋庸置議外其
餘二十三縣原坍塌城垣及義烏縣雖無城垣原于要隘建有城

門城樓七座以資輪防啓閉現經坍塌亦應脩葺通共估需工料銀
十二萬二千一百七十九兩零內有估需工料自一千二十餘兩至
一萬三千之嘉善長興諸暨上虞嵊縣仙居武義浦江江山開化青
田慶元等十二縣共需銀五萬七千九百六十一兩零俱屬內地尚
可從緩應請仍俟水旱不齊之年另請興修以工代賑其估需一千
兩以內之餘杭秀水桐鄉烏程歸安定海天台金華蘭溪龍游等十
縣城垣并義烏縣之城門城樓爲數無多若不及早修葺恐日漸牽
連坍塌轉至工費浩繁應請無論沿海內地俱卽一體興修又估自
一千二百以上至一萬八千餘兩之平湖嵊縣慈谿奉化鎮海象山
山陰會稽臨海寧海太平等十一縣經管郡邑及所轄衛所各城垣
俱係沿海及離海不遠尤關緊要些小殘缺雖飭隨時粘補而各城
年深月久逼近海濱濤兩颶風易于坍塌不便存俟水旱興修應請

急爲修整以重海防以上二十一縣通共需銀七萬三千二百一十七兩零查修城雖以衛民動用民夫分所應得及浙省一切地方公事向無派令百姓承應凡有工程土方小夫等項皆照民間時價僱募官給現銀藉以爲常令若獨將修城派用民力鄉愚罔知大義勢必轉以爲累臣等體察浙省情形寔有與豫省不同難以仿用民夫查浙省地丁正雜錢糧悉閱本省兵餉及經協經費且丁卯年正供業奉

恩旨通行蠲免而每年

恩賞備公銀十萬兩內除撥閩省二萬兩外餘爲通省一切公費需用殷繁雖竭力節省恒慮不敷若將各處城垣擬俟公項有餘通生陸續修舉正恐前估未脩續圯又至輾轉迂延不惟愈費帑金終于地方無益臣等再四思維悉心籌畫查仁和錢塘桐鄉歸安等縣有追存

前叅撫臣盧 案內各名下賍銀七萬九千三百四十八兩零原係入官充公應請卽將此項銀兩提解司庫飭發應修城垣各縣購辦工料一律興修各就工程大小難易酌定期刻日完竣以固金湯自此番修整之後并現在完固各處城垣俱責有司寔力保護除遇颶風暴雨冲淋倒塌仍准祐報勘寔撥脩外凡有些小滲漏圯卸立卽照例隨時粘補其緩修城工亦令地方官將未圯之處加謹防範俟有代賑之年另請次第修築并令該管知府干察盤巡查時將該處城垣各按冊報工段逐一察勘倘有州縣任意玩忽將新圯不卽粘補舊損復任續圯卽據寔指報勒令賠修如有徇隱別經察出將該管知府一并叅處則已修城垣可垂永久卽未脩之處亦不至復加傾頽庶山海要區可以漸臻整飭倘蒙

聖恩允准卽當飭發銀兩千來歲春融農隙之際上緊辦料償修工完委

員確勘取具冊結報銷合將浙省各屬城垣分別緩急酌籌辦理緣
由恭摺具 奏前來查浙省先經該撫于乾隆二年并乾隆十年陸
續將平陽樂清並海寧富陽海鹽乍浦西安常山建德遂安等處城
垣題咨興修經臣部覆准在案今該督馬 等卽奉遵

諭旨將浙屬城垣分別緩急酌籌急理將向無城垣之臨安等十七縣并
現在監固之新城及玉環等十七處暨仁錢二縣所管杭州府城仍
循舊例辦理以及尚可緩脩之嘉善等十二縣城垣應存俟水旱不
齊之年另行 題請興修均毋庸置議外其平湖等十一縣經營郡
邑及所轄衛所各城垣該督撫等既稱俱係沿海及離海不遠之處
尤關緊要不便存俟水旱興修應請急爲脩整等語應如該督所奏
准其動項修理其所需工料銀兩在干追存前叅撫盧 案內各名
下贓銀內動給行令該督各就工程大小難易酌定限期轉飭作速

辨理工竣委員確勘取具冊結報銷仍將各處城垣應需工料銀兩
造具估計細冊先行送部查核至估需銀在一千銀以內之餘杭等
十縣城垣并義烏縣之城門城樓等項該督等雖稱爲數無多無論
沿海內地俱請一體興脩但查前項城垣既需動帑修理自應詳細
確查分別緩急如是係沿海必須急修者應令該督等彙入平湖等
縣城垣案內一并估報興修如係內地尚可緩修者將應修處所彙
入嘉善等處城垣案內存俟水旱不齊之年另行 題報興修再該
督等 奏稱自此番修整之後并現在完固各處城垣俱責有司是
力保護除遇颶風暴雨冲淋倒塌仍准估報勘定撥修外凡有些小
滲漏坍塌卽卽照例隨時粘補其緩修城工亦令地方官將未冊之
處加謹防範俟有代賑之年另請次第修築并令該管知府于察盤
巡查時將該處城垣各按冊報工竣逐一察勘倘有州縣任意玩忽

將新坍不卽粘補舊損復任續坍卽據寔揭報勒令賠修如有徇隱別經查出將該管知府一并參處等語應如該督所 奏將此番修整并現在完固各處城垣以及緩修城工未坍處所俱貴令該地方官寔力保護如遇些小滲漏卽行隨時粘補并責令該管道府干察盤巡查時將該處城垣逐一察勘倘有州縣任意玩忽將新坍不卽粘補舊損復任續坍立即據實揭報勒令賠修如有徇隱不報該督撫別經查出卽將玩悞之地方官并該管道府一并指名 題參可也等因乾隆十年十一月二十日題本日奉

旨依議

侵冒城工銀兩上司分賠

刑部爲遵

旨着落分賠以完

國帑事臣等查得楊維清侵冒城工銀共二萬三千

四百六十二兩七錢零除追出扣存等銀外尙未完銀二萬一千九百八十五兩五錢五分零先于乾隆十二年二月初七日奉

旨楊維清侵蝕帑項至二萬餘兩之多此等重犯自應嚴加防範使事結之後卽正典刑以彰國法乃該管各官並不加意管束致令自縊疎已極其看守不嚴各官雖已據該署撫咨部參處然似此疎縱情節甚屬可惡將來楊維清名下應追銀兩如伊家屬不能賠補卽着落該管上司分賠欽此欽遵在案今該撫既稱楊維清不能賠補遵奉

諭旨着慶遠府知府陳于中分賠銀四千三百九十七兩一錢零前署按察使休致左江道許日熾分賠銀三千九百五十七兩四錢前署撫鄂昌分賠銀四千六百三十八兩三錢零應如所奏着落各員按數賠補以清國帑再該撫奏稱原任知府金榮名下應分賠五千四百九十六兩二錢原署河池州知州吳毓芝名下應分賠銀五千四百

九十六兩三錢又稱金榮身膺署府受賄勒結通同欺隱情罪較重若不議令分賠無以示懲雖據直督那覆稱並無家產但金榮係巨族官裔豈無絲毫產業恐有寄隱情弊仰請

敕下該原籍再行嚴查倘果無寄隱則金榮名下議賠銀兩仍着失察之各上司均賠至前項分賠銀原係楊應灼名下應追之項因尚未獲故先議令分賠是楊應灼應仍咨各省緝獲解粵將分賠各銀俱在場應灼名下追出給還等語查楊應灼已經臣部通行嚴緝在案至原任知府金榮于抑勒出結案內因受賍銀五百八十兩照枉法贓八十兩以上律問擬絞罪限內不能完贓已入秋審又先經直督查得並無家產咨覆該撫應令該撫將金榮名下所有分賠銀數一面即着落失察疎縱之各上司均賠無致國帑久懸其金榮家產有無隱匿寄頓之處仍行文直督查核據實報部再吳毓芝名下應分

賠銀五千四百九十六兩三錢八分查吳毓芝先據該撫于題參緝拿命盜案內聲明病故且楊維清應追銀兩係奉

旨着落失察疎縱之該管上司分賠今吳毓芝係楊應灼接署之員並非失察上司應令該撫查明妥議報部到日再議再該撫奏稱楊維清賠修龍勝城垣銀二萬一千五百五十九兩一錢應着落督理此案城工之各上司分賠業經前撫臣鄂 查明在案今請着落于前任靈川縣調任天保縣知縣康世德分賠銀五千零二十二兩六錢前署布政司現任左江道楊廷璋分賠銀四千三百九十五兩六錢零前署撫臣托分賠銀二千一百三十九兩七錢均勻酌賠以歸虧項等語亦應如該撫所奏即着落各員按數賠補至前項派賠銀兩應令該撫將作何繳完之處聲明報部併報明戶部查核奉

旨原任廣西龍勝通判楊維清侵冒城工一案應着失察疎縱之各上司

分賠經該撫舒輅分晰奏請于前任巡撫按察使道府知州等按分賠補而天保縣知縣康世德應賠銀數至五千餘兩據稱康世德委勘城工應卽據實揭報乃畏勢聽從殊難辭咎等語查原案訊係該府金榮委康世德查勘工程康世德因知工程草率稟請另委金榮得受楊維清賄賂逼勒赴勘康世德不肯出結金榮嚇以捏款架禍康世德畏懼含糊出給金榮復親改發換據此則其罪全在金榮而康世德以屬員遭上司抑勒初意尙不肯瞻徇後以畏禍曲從情在可憫乃責其不據實揭報着賠多金夫知縣官卑職微養廉有限豈能按限措交完繳不全勢必復成懸案該撫等辦理此案寧不慮及而着賠至十分之四明係欲爲他人名下勻減數目故不論其情罪之當否勉強坐賠將來不過以無力情償保題豁免此外省督撫向來積習不能逃朕洞鑒者辦理此案之各上司甚屬不公且有積弊康世德着免其分賠所有應賠銀兩卽着現派康世德賠銀之巡撫舒輅布政司李錫泰按察使鍾昭等照數代賠于年內卽速清繳其前任巡撫鄂昌託庸及司道等應賠之項亦宜嚴催完項不得仍循故套一任遷延觀望庶外省積弊藉此稍知警惕其令各督撫知之餘依議乾隆十四年五月以抄

例案續增新編卷三十六

乾隆元年起

河防

失時不修堤防

修治隄埵

河工增用蘆葦併勸民種植

河南海塘改用部尺

原叅冒工侵帑審係堤工滲漏開復仍議處

乾隆十一年起

工律

河防

失時不修堤防

江省土石坦壩分別平險酌定保限

藉做土工訛詐錢文

偷拆塘石移置別用比依問罪限內修竣免罪不准開復

修理橋梁道路

革監借橋工捐復駁案

例案續增新編卷三十六

錢唐沈如焯 澥齋 編輯

工例

河防

失時不修堤防

修治堤埝

戶部為遵

旨議奏事臣等議得工部尚書來保奏稱乾隆四年八月十八日奉

上諭今年六月間豫省地方大雨如注川澤交盈分洩不及以致開封等

屬被水之州縣甚多小民困苦朕心深為軫念已屢降諭旨多方籌畫

賑恤撫綏因思濟飢拯溺目前之補救雖殷而坡澤河渠善後之經營

宜亟查豫省地方有淮潁汝蔡諸水經緯其間凡舊有河道俱達江湖

第或因故道被湮或無支河導引是以水無容納之區勢必傍溢下有壅塞之處滂卽難消聞撫臣尹曾一現在檄令各屬勘估興修但愚民無知上游方事挑濬而下游填實阻撓仍致水無去路于事何益着撫臣尹曾一河臣白鍾山布政使朱定元細心熟籌端委管理河道明晰水利之大員親勘全局通盤計筭務使一律疏濬深通毋令各分疆界稍有阻滯再豫省之賈魯河原由江南地方全注入淮是廬鳳等處卽豫省下流也此時現有欽差大臣興修廬鳳河渠亦當同爲留意從來疏濬河道時上游十分用力而下游百計阻撓各處人情如此不獨豫省爲然是在封疆大臣洞悉其弊勿爲所欺庶幾源委暢流永無泛溢之患該部可將朕旨卽行文豫省並有河道之各省督撫知之欽此又于八月二十二日內閣奉

上諭直隸地方水利未講以致水漲則受其害而平時未獲其益仰見我

皇上宵旰孜孜軫念民瘼旣切目前賑恤之圖復爲周詳善後之計此誠

堯舜府修事和萬世永賴之至意屬在臣工俱應仰體

宸衷分猷分念况臣職係水部官守攸存稍有千慮之一或足供

聖明採擇者不敢不竭忱以獻竊維大江以南號稱澤國縱橫疆理悉多支河小港容受雨澤宜洩江湖偶遇時雨過多易于消納至北五省則地多平曠絕少溝渠猝當陰雨連綿一時水無所歸輒至浸淹田畝漂蕩民居現今遵奉

諭旨行文豫省疏濬河渠並有河道之各省督撫臣俱令同爲留意將來綢繆旣豫自可永無泛溢之虞伏思田間若無水道雖高阜之處一經驟雨易被浸溢况在平窪勢難遽赴河渠臣嘗聞古人有畎澮溝洫之制皆係田間水道以小注大廣狹深淺遞相引導爲法綦詳臣歷觀北省大約春患在旱秋患在澇此天時也平地廣雨則易澇土

疎燥旱則易乾此地勢也所以古人勞思盡力以治畎澮溝洫適遇
淋雨則由畎澮以距川迨水勢一平將下流堵築即可畜水以滋春
田故旱澇俱得有備且春夏之間所澆溝洫之泥土亦可培田上性
既肥田身漸高此人事也今雖時異勢殊古法不容拘泥然斟酌變
通亦或有可仿其意而行之者如井田之法今已難行而考古鄉遂
用貢凡田下可井者亦仍爲溝洫今或畧仿古法相度處所酌澆畎
澮溝洫先試行之如果有益凡應行之地自可漸次舉行或恐損田
以開溝洫未免勞民失利孟子曰以佚道使民雖勞不怨且損益利
害必權其輕重多寡卽如今歲豫省之地被淹過半則膏腴盡作汗
萊若宣洩有方雖瘠土可成沃壤所損者寡所益已多等因具題前
來查各省舊有河道或故迹被湮或無支河導引前此欽奉

諭旨令各該督撫加意疏濬在案今工部尙書來保奏照鄉遂之法于北

地方酌行溝洫臣等查溝遂之制昉于井田以小注大由澮距川白
古迄今皆稱良法惟是成迹久湮事屬創始且南北地形高低迥異
其間隣近水次畧爲疎復卽爲歸宿固可乘勢利導以資宣洩至于
高阜處所不近陂澤若不一律深通依然水無去路倘徧爲開鑿不
惟煩費莫支亦且挖廢田畝勢屬難行况周官辨壤黍高稻下各有
攸宜故在水泉暢流土性黏膩之區自可開溝復渠典行水利若地
罕泉源土質鬆疏田間行潦旋卽滲涸旣不能引以灌溉而且夏秋
雨驟易致壅淤冬春水枯難免坍塌卽使勉強試行亦非經久不敝
之法是以周禮匠人所掌凡溝必因水勢防必因地勢又云溝送地
泐謂之不行可見自古修治畎澮未有不揆度形勢而能因地宜民
者也臣等公同酌議所爲各省舊有河道前經

勅令該管督撫酌量疏通今尙書來保此奏亦應請

例案續增 卷三十六 三
旨一併交與北五省督撫勘驗地方情形如舊爲官堤民埝次第修築足資疏洩即可無容再爲試行倘所屬境內委係地勢平衍積水難消必須挑濬溝洫卽揆度地勢俯順民情從容勸導漸次開挖俾水有所歸仍令各該督撫轉飭所屬毋遽毋擾以收實效可也等因于乾隆四年十月初五日奉

旨依議

河工增用蘆葦并勸民栽種

大學士伯鄂 爲請嚴禁河工用秫稽代蘆葦之積弊以期鞏固工程事會議得江南河道總督高 一疏查本年四月內工部尙書程事會以河工加廂并下埽堤工向用蘆葦近年以來雜用秫稽易于腐蝕奏請嚴禁以期工程鞏固經臣等查各省河道工程有專用蘆葦不用秫稽者有用蘆葦而兼用秫稽者有不用蘆葦而專用秫稽者

覆令各該總河將不盡用蘆葦緣由確查分析聲明具題等因覆准行文在案今江南河道總督高 疏稱江南河工一十七廳其所以不盡用蘆葦者實緣蘆葦產于濱海蕩地離工八九百里六七百里不等均從黃河溯流逆挽風濤險阻旣時日之難期更疎虞之莫必惟量蘆葦購運之遠近秫稽出產之多寡斟酌兼用固工節帑並非希圖秫稽臨時備辦省便并無暗用秫稽明銷蘆葦之弊臣查秫稽雖非蘆葦可比然收防全在實工實料料實則工自堅因限于產地所以歷久相沿葦稽兼用工程原自鞏固帑項亦以節省等語臣等伏查蘆葦爲河工要料其質堅實勝于秫稽遠甚故歷任河臣均講于沿河灘地廣爲栽種以濟工需蓋以蘆葦本屬生長水中埽廂應用取其質惟相宜不致易于蠶爛經調任工部尙書韓 條奏請專用蘆葦以期工程鞏固臣等因查各該總河歷年報銷埽廂各案其

專用蘆葦兼用秫稽之處俱不能畫一是以覆令各該總河將因何不盡專用蘆葦緣由確查分晰具題今該督既稱加廂下埽所以不能盡用蘆葦而兼用秫稽者實緣產地之遠近相工程之平險酌定專用兼用之多寡詳悉聲覆自該省不盡專用蘆葦寔限于地產歷久相沿亦屬因地制宜之意但該督疏稱秫稽定價原係六毫一釐今加至九毫價已充裕如遇旱潦秫稽欠收之年購買稍難酌量增買蘆葦等語是蘆葦亦屬可以增辦之料應今該督除濱海蕩地產葦之區離工甚遠并黃河逆流難以挽運者仍照舊例酌量辦理外如廳汛各工可以增辦蘆葦者應飭各該河員增辦應用以期工程鞏固并令該地方官將沿河灘地內有可種蘆葦之處照河東例勸民栽種以資應用至于蕭碭等六廳其葦稽兼用之處恐各工廂墊報銷易于朦混應仍行該督嚴飭承辦各員詳加察勘無致徇隱滋弊等因乾隆五年十月 日奉

旨依議

江南海塘改用部尺

工部爲遵

旨勘視江南海塘情形等事議得尙書公訥 奏稱查勘一帶塘工俱屬穩固惟寶山縣新築石塘一千三百丈其層數做法俱訪松江海塘辦理細加量驗係用營造匠尺量建較之浙江塘工營造部尺折算有減但查浙江工價多于江省原係照依匠尺估計尙無以少報多之弊惟是尺式參差易滋弊竇應請將尺樣較定頒發江省嗣後遇有工程遵照辦理等語查各省工程先于乾隆六年六月內九卿會議頒發成規案內題明恐各省需用尺式或有參差不符之處將工部現用營造官尺式樣頒行各省嗣後凡有工程俱用部頒官尺等

因隨經臣部頒發各省遵照在案今前項塘工自應遵照部尺量建
因何仍用營造匠尺以致參差不符殊屬未協應令該撫嗣後凡有
工程俱遵照部頒尺式辦理以昭畫一可也乾隆九年七月二十一
日奉

旨依議

原參冒工侵帑審係堤工滲漏開復議處

刑部爲特參冒工侵帑等事會議得泰革揚糧通判劉永鑰冒工侵
帑一案據蘇撫陳 疏稱除劉永鑰選用昭閉坦舊石訊係詳明在
先節省銀兩原銀解繳修做大潭灣埽工墊陷屬實已經兩次廂補
所有短少柴工銀兩經新任揚糧通判會詳免其追繳著令保固審
無冒工侵帑寔跡亦別無行止不端之處均毋庸議外惟甘泉汛善
後工程案內露筋廟閘西堤土工雖係詳調把總張瑞協辦原非捏

開第止係委其照料並非竟令領帑承築及張瑞奉調回汛旣不據
實報明又不親身監察以致工程做不合式滲漏短少但于未奉查
叅以前因查不合式復經重新翻築已據賠修堅好似應免其議處
第劉永鑰分段承修不行督率加謹修築所有滲漏不足之處疎忽
之咎難辭將劉永鑰依例降一級調用附請開復議處夫頭劉文玉
等擬笞先行發落等因具題前來查劉永鑰先經該督以冒工侵帑
題叅今旣審明無冒工侵帑實跡應將劉永鑰原叅革職之案照例
准其開復其承修露筋廟閘西堤土工不行督率加謹修築所有滲
漏不足之處仍應照例議處查定例分管官所築堤土有一處夯柱
不堅盛水卽漏並有一二丈不豐滿合式者降一級調用等語應將
原任揚糧通判劉永鑰照例于補官日降一級調用有加四級應銷
去加一級抵降一級免其補官日降級該撫旣稱把總張瑞始奉詳

調協辦繼因檄調回訊並未領帑承築工程應毋庸議夫頭劉文玉周世甘李英承攬領銀僱夫修築乃所築工程滲漏違式審無侵帑尅工情弊均照凡造作不如法律各笞四十先行折責發落等語應均毋庸議乾隆十年八月 日奉

旨依議

江省土石坦壩各工分別平險酌定保限

工部爲請題保固限期以裨塘工事該臣等議得蘇州巡撫今調福建巡撫陳 疏稱松太二屬華寶二縣逼近海濱時有風潮爲患興築土石坦壩各工以資捍禦所有各工保固限期似應分別平險定以保限俾有遵守酌議凡新築石塘離海一里以外或係土塘雖不及一里而坐落尚非頂冲急溜處所限以保固二年如土塘離海不及一里及土石塘在一里以外坐當近溜頂冲者定以保固二年至

坦水石壩单路石壩加椿坦坡玲瓏石壩等工俱因土石塘外時有潮浪汕刷賴以抵禦冲險尤甚應限保固一年所有搶險柴埽土二原以保護一時更爲險要應限保固六個月均以收工之日起限分別保固倘于限內坍塌損責令原辦之員賠修如遇異常潮汐委非人力可施仍准查明取結保題免賠一面動項修理如此立定章程俾工員咸得遵循理合具 題等因前來查建築塘工原係捍禦海潮若不定以保固期限誠非所以慎重工程之意今該撫陳 疏稱松太所屬華保二縣土石坦壩各工分別平險酌定保限請將新築石塘離海一里以外或土塘雖不及一里而坐非頂冲急漏者限以保固三年等語應如所議定限辦理至疏稱土塘不及一里及土石塘在一里以外坐當迎溜頂冲者定以保固二年坦水石壩单路石壩以及坦坡玲瓏石壩等工保固一年搶修柴埽土工保固六個月等

語查建築海塘因土工不能經久是以改建石塘以資護衛原不得
以土埽各工相比所有一切坦水石填單路石填以及坦坡玲瓏石
壩石塘等工離海一里內外雖坐當迎溜頂冲者仍令保固三年其
土塘離海不及一里及任一里以外坐當迎溜頂冲者應准其保固
一年至搶修柴埽各工雖係搶險一時但異常潮汐本非常有之事
定以保固半年未免爲期太近致啓苟簡草率之弊應令保固一年
應令該撫飭令工員照例遵循倘于限內坍塌卽行着落承辦之員
賠修如限內遇有異常潮汐委非人力可施以致坍塌查明工程原
屬堅固錢糧俱歸寔用者該督撫據寔聲明保題到日免其賠補如
料物苟簡工程草率以致坍塌者照例題叅着落賠補可也乾隆十
一年十一月初五日題本月初七日奏

旨依議欽此

藉做土工訛詐錢文

刑部爲飭發事據署湖撫塞 咨稱大冶縣民程奎先等藉做土工
訛詐應山縣民朱理干等家錢文一案緣程奎先又號陳禮天與鄒
雲從卽周雲從陳夫祿卽程天祿韓如士卽談如士程上文卽陳山
文陳元一陳純德鄒新五卽周新五彭六彭應祥牛天兒卽陳堯天
陳應才卽程應才陳岐山卽程岐山施文福卽石維福史維右卽石
繼右史繼禮卽石繼禮李彥炳卽陳彥炳游明山卽黃明山吳應舉
李國棟卽王國棟王成立王興禮董興文張起祥張起儒等俱係大
冶縣人氏乾隆十一年正月內程奎先起意約同周雲從等二十四
人赴各處傭工于初八日各帶鋤外由孝感雲夢一帶沿鄉包
做土工二月二十八日至應山縣朱理千家攬挖水塘一口議定工
錢五千文程奎先等做工兩日卽向未理干支錢二千文朱理干以

塘未挖成不允程奎先等倚仗多人聲言欲毆群起嚷鬧未理千畏懼克勢當憑地隣朱輝遠等給錢五千文而散程奎先得計商同程天祿談如士周雲從程上文各處攬工三月初十日程奎先攬做胡良玉家田塍十二日同程上文等十三人赴工尙未做完程奎先亦如前嚷鬧勒錢三千二百文又三月初三日周雲從攬做郝士偉家塘塍十五日周雲從等二十五人齊赴工所索錢郝士偉以工未完不允程奎先揪破郝士偉衣服咬傷郝士偉手指郝士偉憑地隣伍在常給錢三千二百文又三月十四日談如士攬挖袁緒臣家水塘議定深二尺工錢二千六百文袁緒臣先給米陸斗五升鹽二觔錢一千文程奎先同錢如士等十六人前赴工所僅挖尺餘旋即定止赴袁緒臣家坐索工錢袁緒成憑地隣李衍慶等將銀米作錢六百文找錢二千文又三月十八日談如士攬挖韓國俊家水塘二十三

日程奎先同談如士等共二十五人齊赴工作二十六日因天雨停工即坐索工價得錢六千五百文又三月十九日程上文同程元一攬挖金以文家水塘二十七日程奎先等共二十一人赴工僅將塘塍培土程奎先即索錢五千一百文又閏三月初六日程奎先攬楊郁雄旱地七塊改爲水田議定工錢七千五百文隨同談如士等共二十一人于初八初九兩日先後赴工僅挖地五塊尙未耕平程奎先即向楊郁雄索得錢七千五百文又三月初八日周雲從攬彭榮還家田一坵初十一等日周雲從同程奎先等共二十五人先後赴工尙未耕平程奎先即索工價得錢二千三百文又閏三月初八日程奎先攬王士玉家田一坵初九日同周雲從等二十三人即赴田所至晚做成田塍田未耕平程奎先索食酒肉王士玉不允程奎先即行嚷罵索錢二千三百文又閏三月十一日程天祿攬李次

山土壩同程奎先等共十一人赴工至晚交米一石一斗作錢一千文十二日工尚未完程奎先索找錢二千三百文又閏三月十五日周雲從攬張國太家水堰十六日同程奎先等共十二人赴工未機卽索神福酒肉張國太不允程奎先出頭詈罵索得錢三千五十文又閏三月十八日周雲從攬劉芬美水塘一口于十九日同程奎先等二十五人赴工旋索飯食劉芬美不允程奎先藉隙吵鬧索得錢三千文又閏三月十九日程天祿攬聶乾玉塘埂一基同程奎先等共二十五人赴工未幾程奎先卽令程天祿索酒聶際玉不允程奎先吵鬧索得錢二千一百八十文又閏三月十八日談如土攬做聶成玉家堰堤及旱地改田二十日同程奎先等二十五人赴工當索酒飯食畢程奎先卽索做提工錢聶成玉不允程奎先吵鬧索得錢二千二百五十文又閏三月二十日程奎先攬做吳期明家塘埭二

十一日程奎先等二十五人同赴工所向吳期明借米不允遂行詈罵索要工錢吳期明無奈給錢二千六百文又閏三月十九日程奎先攬做未度章田一坵二十一日日程奎先等自吳期明家轉至朱度章家索飲起工朱度章不允程奎先遽行嚷罵索錢四千文又閏三月二十一日周雲從自朱度章家轉至張世三家攬做田塍程奎先等二十五人俱至塘挖土興工索錢二千文張世三不允程奎先與之吵鬧索得錢二千文又閏三月二十二日程奎先等二十五人同至汪寅伯汪顯伯家包攬挖塘淋埂伊等在田坐歇汪寅伯理責其非程奎先輒藉端吵鬧勒索酒食工錢汪黃伯無奈備酒與飯並給工錢一千七百文程上文石維禮石繼福周新五胡應舉楊堯天張起儒七人先往河邊看管行李程奎先等十八人正在汪寅伯家飲酒經應山縣何令訪聞帶領民壯李愷等前往查拿程奎先拾取木

棍拒捕毆傷李愷頭顱各役協力將各犯先後一并拿獲據該縣審解前來復加會訊無異查程奎先等藉借土工混行爭鬧勒取錢文細按律例並無賂合之條惟查例載沿江濱海有持鎗執棍混行開毆將兩造爲首及鳴鑼聚衆之犯杖一百流三千里傷人之犯杖一百徒三年其附和未傷人者各枷號一箇月責四十板又例載斷罪無正條者援引他律比附等語今程奎先等率衆恃強藉稱做工混行爭鬧勒取錢文湖北係沿江濱海之地聚衆行兇爭鬧訛詐寔與此例相符程奎先率衆主使應比照此例爲首者杖一百流三千里至配所折責四十板程天祿韓如大爲雲從程上文攬主行兇硬索工價俱比照爲從例減一等杖一百徒三年至配所各折責四十板其附和之陳元一彭六彭應祥石繼禮石維福石維右董興文周新五張起祥陳順德陳彥烟王國棟吳應舉黃明山程應才楊堯夫程

岐山玉成立王興禮張起儒俱各照例枷號一個月責四十板遞回原籍管束簿帖等項概行燒燬起獲各犯現存銀錢照朱理千等十人家被詐錢數該筭共錢六十二千七百八十九文除現存錢四千五十七文並應扣銀七十三兩四錢一分二厘零給領外餘銀三十二兩三錢八分七厘零仍給各犯收領等因前來據此程奎先等均應如該撫所議完結照例彙題可也乾隆十二年三月初二日湖省准咨偷拆塘石移置別用比依問罪限內修竣免罪不准開復刑部爲詳揭偷拆石塘等事會議得叅草江陰縣縣丞陳逢霖原叅偷拆石塘一案據江督尹疏稱先經部覆陳逢霖比依監臨主守不正收正支那移出納還充官用者計贓准監守自盜論三十兩杖一百流三千里雜犯總徒四年事在

恩旨以前減爲杖一百令將不合式條石槩行拆去賠修完固交地方官

監工結報等因轉行遵照去後今據該參員逐一另辦修砌完竣當
經驗明取具保固甘結送查并附請開復具題前來查陳逢霖偷
拆塘石原擬總徒援

恩旨減杖今該督既稱該犯于限內將那移石塘條石修整完固應如所
題將所得杖罪准其寬免再查定例州縣虧空是那非侵錢糧一年
內全完准其開復等語今該參員原係拆石塘移築別處并將不合
式條石搭用題參革職審擬以例無治罪正條比依那移出納之律
擬徒減杖勒令拆收雖于限內修整應免其治罪與州縣虧空錢糧
那移限內全完開復之例不符應將該督所請開復之處毋庸議奉
旨依議乾隆十六年五月邸抄

革監借橋土捐復駁案

工部等部會議得湖督塞

湖撫陳

奏稱湖北黃州府屬之黃岡

縣風鎮地方向有得勝橋一座坍塌已革監生甄潛應否准其捐銀
八千兩等因一摺前來查甄潛從前宿娼行賄斥革擬徒嗣經

恩赦免罪係有垂行止例不准其捐復之人今據該督等奏稱甄潛十餘
年來發憤爲善力敦孝友睦族周貧鄉黨共稱情愿好善樂施爲此
援例奏請查雍正十三年十月總理事務大臣奉

上諭嗣後各州縣如遇荒歉及修城築堤公事果有殷寔良民寔情樂輸
者許親赴布政司具呈詳請題奏地方官不得自行申報其他如倡立
義田義學義倉義塚許其具呈本州縣詳報上司立案仍聽本人身自
經管胥吏土豪不得干涉希圖漁利該督撫體公核寔大者題請小者
量行旌獎倘有官吏勒派該督撫失察并有徇情者均照例分別議處
欽此是捐資樂助皆出于本人中心之誠不應存冀功幸賞之念至
題請議叙雖係獎善勵俗亦必先行好善樂施俟事竣之時量資始

加酬獎並非預懸爵賞以為之招也若照該督所請甄潛捐資八千兩預定給還原捐職銜再行准其捐助交庫則是另設捐納之條轉于好善樂施之義不合應將該督奏請給還甄潛州同職銜之處毋庸議至甄潛發憤為善具呈情愿捐銀八千兩交貯縣庫興修本邑橋工應令該督照例揭報工部准修工程完竣再行會同吏部議叙奉

旨依議乾隆十二年 月邸抄

例案續增新編卷三十七

錢唐沈如焯澆齋編報

乾隆二十年

名例

〔犯罪免發遣〕

旂奴告主應問徒者實徒不准鞭枷完結

〔徒流遷徙地方〕

應發湖北襄陽府安插軍流入犯改解巡撫衙門派撥

吏部

〔職制〕

〔官員迴避〕

副將知府同城結姻迴避

戶部

倉庫

那移出納

追賠侵隱銀兩審無可惡情罪應行給還

兵部

軍政

失悞軍事

軍需年久無憑開造細冊准以九折核銷

私賣戰馬

官兵私換馬匹治罪議處

從征守禦官軍逃

隨征跟役脫逃審明有無偷盜軍器馬匹分別治罪

刑部

賊盜

畧買畧賣人

畧誘十歲以下子女雖和亦擬絞候

人命

謀殺人

謀殺人加功之犯與尋常加功不同者量減擬流

鬪毆

妻妾毆夫

故殺妻情形兇殘亦不准附請絞決

毆大功以下尊長

誤傷小功服兄致死擬斬候

毆期親尊長

因偏嫁伊母致死胞伯改斬候

訴訟

干名犯義

旂奴告主問徒限滿照例官賣仍令為奴

犯姦

強姦

強姦婦女致死同謀助力者比照謀人從而加功例擬絞

親屬相姦

持刀嚇逼成姦不應照強合和成律科斷

斷獄

官司出入人罪

失入人罪之案議處不准抵銷

有開倫常姦盜毆殺等案須從實究擬

死囚覆奏待報

定擬故殺人犯秋審翻供即請正法

工部

營造

冒破物料

行追核減銀兩從前業經題免續查應追之項確查原案徑於任

所取結 題豁

例案續增新編卷三十七

乾隆二十年起

錢唐沈如焯澆齋編輯

各例

犯罪免發遣

旂奴告主應問徒者實徒不准鞭枷完結

刑部為通行事浙江司案 呈本部彙 題乾隆二十年秋季分現

審軍流等犯一案乾隆二十年十二月初八日 題十六日奉

旨知道了旂人犯罪充徒例得折鞭枷號此原指常犯而言若告主旂奴

則當有別嗣後旂奴告主應問徒者著予實徒不准鞭枷完結欽此

應發湖北襄陽府安插軍流人犯改解巡撫衙門派撥

刑部為請改撥軍流人犯等事本部議得據湖撫張 奏稱竊照各

省發遣軍流例遵道里表內指定地方經解該處知府衙門轉發所

屬安插大約就州縣之繁簡以定遣發之多寡現在湖北通省就本年六月截數而計共有軍犯三百四十七名流犯五百七十三名除宣昌府屬之鶴峰長樂施南府屬之恩施宣恩咸豐來鳳利川等七州縣俱屬苗疆且與四川石柱土司及湖南永順邊界相連業經援照川黔兩省之例咨准部覆一體停其安插外其餘武漢黃安德荆鄭等七府并宜昌府屬之內地州縣安插軍流或一百餘名或數十名或僅止一名不等惟襄陽一府為浙江杭嘉湖寧紹金衢嚴溫等九府軍流充發之地原係事繁之區所以現在軍流共有二百二十八名較別府為多將來漸次加增靡有底止此輩皆非善良羣相聚處難免滋事臣愚以為少則易於約束多則難以稽察查浙江杭嘉湖寧紹金衢嚴溫九府軍流人犯解赴襄陽安插之犯必由武昌經過應請行令嗣後順道解臣衙門酌其道理相同而遣犯較少之處

量為改撥俟將來各府軍流數與襄陽相等再行籌畫辦理庶襄陽一府不致日漸加增而管束稽查均屬易便等因具 奏前來查定例各省軍流人犯即令犯事地方按照道里表內指定應發地方經解該處知府衙門轉發所屬又例載直省內有苗民襍處之地凡發到軍流等犯令解巡撫衙門就地地方情形通融派撥不得與苗民聚處致生事端等語是以凡屬苗疆地方節經臣部 奏准軍流人犯俱解督撫衙門通融酌撥在案今襄陽一府雖非苗疆不在通融派撥之例該撫既稱該處為浙江杭嘉湖寧紹金衢嚴溫等九府軍流充發之地現在軍流共有三百二十八名較別府為多將來漸次加增此輩皆非善類羣相聚處難免滋事應請量為改撥等語亦係因地制宜事屬可行且浙江杭嘉等處軍流人犯俱由武昌經過均可經交該撫衙門通融派撥應如該撫所 奏將浙江杭嘉湖寧紹金

衢嚴溫九府軍流解赴襄陽安插之犯交湖廣巡撫衙門酌其道里相同而遣犯較少之處量為改撥俟將來各府軍流數與襄陽相等仍令該撫再行籌畫辦理如蒙

俞允俟

命下之日臣部行文湖撫浙撫遵奉施行于乾隆二十年十二月十七日題十九日奉

旨依議



副將知府同城結姻迴避

兵部為請調副將等事職方清吏司案 呈內閣抄出閩浙總督喀奏稱竊照浙江紹興協副將成明與紹府知府興德俱係滿洲素有親誼今同仕紹興因成明有女年已及笄遂與興德之子結為婚配

現已完娶雖副將與知府文武不相統屬聯為姻婭例無迴避之文但共事一城遇有兵民交涉詞訟及互相稽察之事難保其一無瞻徇地方好事之徒不無揣摩指摘多有未便以臣愚昧之見似宜將成明移調別協庶為妥洽可否仰懇

聖恩俯在將金華協副將眉綬調補紹興其紹興協副將成明調補金協則一轉移間而地方營伍均有裨益矣再查金紹二協營伍繁劇事屬相同合併聲明謹 奏乾隆二十年十一月初五日奉

戶部



追賠侵隱銀兩審無可惡情罪應行給還

刑部咨為欽奉

上諭事浙江司案 呈雲南司傳批乾隆二十年四月三十日奉

上諭碩色等 奏官爾勸名下應追銀數原籍及任所資財足敷抵補其餘銀兩及東省現存貲產請令變價解交內務府查收等語碩色等所見甚小官爾勸久住藩司大員辦理銅廠侵隱滋弊是以查產抵扣以爲營私不職者戒令經審明追賠之項俱已扣清歸欵此外所餘若查無可惡情罪自應給還本人即使情罪可惡不應給還亦止當留充地方公用該省從前吳尚賢以內地奸民越境招搖勾引漁利所得財產應行入官官爾勸自係地方官與此絕不相類該督等何得因有成案遂不論輕重一例率請變價解交內務府殊屬錯謬着嚴行申飭欵此欵遵于二月初二日抄出到部相應行文浙撫轉行杭州將軍并乍浦副都統欵遵查照可也于乾隆二十年六月十四日浙省在咨

兵部

軍需平久無憑開造細冊准以九折核銷

工部 題爲酌項解備剿番軍需詳請題明事該臣等查得閩督喀疏稱書屬雍正九十兩年征剿番匪製造帳房鑼鍋并辦用鹽燭鍋碗等項用過銀兩請銷一案先經前任督臣郝玉麟造冊請銷經部以未經開明舛重丈尺駁令開造續經臣以事歷年久經手承辦之員陞遷事故原造各物又已無存無憑開造咨部請以九折核減造冊送部復准部覆行令將冊內粘簽之處飭令分晰另冊 題銷等因轉行遵照去後茲據福建布政使德 詳稱查臺屬雍正九十兩年番匪作反奉調官兵征剿事起倉卒其製備一應軍裝需用物料刺呼刺應方免貽悞當此軍務要需隨辦隨送一切動用細數未經詳記檔案亦屬一時倉卒辦理實情今已歷二十餘年經手各員

均已物故無可查詢卽如原辦之金門鋪總兵李之棟現在各查籍貫查無着落若再逐員咨查徒使塵案難結於公事無益兼之臺地鹹潮斥鹵各項軍械什物久已朽壞無存現在承造報銷冊籍之員事非伊任經手吏書久經屢易既無案據又無原物可憑實難懸擬造報致踏捏飾混開之咎洵非推諉茲據該府縣聲明實在難遵部行開明勛重丈尺查動用銀兩原係彼時軍前實用實銷並無浮捏應仍請九折核減實請銷銀三千四百一十六兩七分零減核銀三百七十九兩五錢六分零在于原承辦各官的屬名下照數追完轉造清冊詳請 題銷並聲明此案實因臺灣遠隔重洋風信靡定先據具覆無憑分晰造冊輾轉移查原辦各員人亡無着復經駁飭往返需時遲延實屬有因各員職名應免開報等由前來臣復查無異除冊送部外臣謹會同福建撫臣鍾音合詞具 題等因前來查閱

省征剿臺番製造鍋帳燭盔等項用過銀兩一案先經該督以事屬年久承辦之員久離閩地莫從查詢兼以原製之物又以損壞難從懸擬均請通盤九折准銷經臣部以報銷案件俱照冊報逐款核筭未便以委員難從懸擬遽行折筭請銷將原冊逐細粘簽飭令分晰聲明另造妥冊 題銷在案今據該督 疏稱雍正九十兩年番匪作反官兵征剿事起倉卒一應軍裝物料隨辦隨送動用細數未經記檔亦屬一時倉卒之情形今已二十餘年承辦各員均已物故無可查詢兼之臺地鹹潮各項軍裝久已朽壞現在造冊之員事非伊任既無案據又無原物可憑實難開明勛重丈尺動用銀兩原係軍前實用實銷並無浮捏應仍請九折核銷臣部查核銷各案均以丈尺勛重爲憑按例核筭從無籠統九折准銷之例是以前經駁飭在案今該督既稱軍需緊急隨辦隨送動用細數未經記檔今已二十

餘年辦員均已物故軍裝又俱朽壞實難開明勛重丈尺等語卽往返駁查承造冊籍之員仍屬無憑開造徒使積案久懸臣部仍將原冊查核所開各件籠統銀數尙與各省准銷之數無浮應如該督所請所有用過銀三千七百九十五兩六錢四分二毫一絲五忽按照折算應准銷銀三千四百十六兩七分六厘一毫九絲三忽五微其折減銀三百七十九兩五錢六分四厘二絲一忽五微應令該督轉飭勒追完報至造冊遲延各員職名既據該督將臺灣遠隔重洋輾轉移查往返需時遲延實屬有因之處聲明應毋庸議併知照戶部臣等未敢擅便理合具 題奉

旨依議乾隆二十年七月十六日邸抄

官兵私換馬匹治罪議處

刑部爲奏事先進協辦陝督劉

參奏涼莊解馬官兵私換馬匹

一案內稱涼莊解馬兵丁恐馬匹平常不能卽速交用見寧夏馬匹脹壯將挑選之馬與寧夏兵丁私相抽換希冀全交該協領明德等雖據稱實不知情但不能察出作弊情由卽屬溺職請交部嚴加議處等語臣部議以協領明德既不能管餒于前復漫無覺察于後殊屬溺職應照溺職例草職其涼莊解馬官弁應議各職名行令涼莊將軍查明送部再行查議等因 題准在案今于乾隆二十年六月二十一日准涼州將軍烏彌泰咨稱查出涼州換馬兵丁照依部文嚴行治罪但查抽換戰馬律無正條應照不應重律杖八十因係抽換戰馬再加一等鞭九十時值熱番照例減一等發落訖應將涼莊解馬官員職名造冊咨送查議等因前來應將該將軍送到之涼莊解馬官弁佐領吳蘭太保勒盧斌防禦杜宗保和德韓敏納查蘭太朔經阿驍騎校碩爾岱六十一存柱雅蘭太巴觀莊浪佐領僧格法

善金秀防禦張榮驍騎校何伸德阿爾圖等均照溺職例革職至涼
莊私換馬匹兵丁既經該將軍報明擬以杖八十治罪應毋庸議可
也等因奉

旨現議革職之官員等其平素行走如何之處着該將軍出具考語送部
帶領引

見欽此乾隆二十年七月邸報

隨征跟役脫逃審明有無偷盜軍器馬匹分別治罪

刑部爲知照事准兵部咨稱據定北將軍咨據帶領查哈爾官兵副
都統 呈稱鑲白旂委署護軍校桑阿林南鍾等報稱我們二人之
跟役昂古岱于今年正月十二日夜在阿達查克地方步行逃走並
無拐帶軍器等情又據正黃旂巴特馬佐領下護軍車布登披甲三
扎布等 呈報跟役巴爾黨于今年二月二十二日在薩爾齊圖地

方步行逃走並無拐帶軍器等情相應咨明等因前來查乾隆二十
年七月內經本部議覆協辦陝甘總督劉 奏擬隨征跟役戴三不
曾偷盜馬匹器械等物逃走照隨征兵丁不曾偷盜馬匹器械之雇
工逃回者杖一百徒三年例定擬等因奏准在案今昂古岱巴爾黨
係隨征兵丁跟役據該管大臣咨稱並無夾帶軍器等物相應行文
該撫將逃犯昂古岱巴爾黨等查拿並通行各承緝衙門嚴緝務獲
審明有無夾帶軍器等物分別雇工家奴照隨征兵丁不曾偷盜馬
匹例定擬報部可也于乾隆二十年八月二十一日咨行到浙

刑部

賊盜

畧誘十歲以下子女雖和亦擬絞候

刑部咨爲直情稟報事會看得瑞安縣民林兆德等誘拐吳妹媛吳

阿妹一案先據浙江巡撫周 咨稱緣林兆德係吳妹媛等族內姐
夫吳妹媛係故民吳阿綬之女年甫十一伊弟吳阿妹年止八歲父
母俱故孤苦無依乾隆十七年八月初八日吳妹媛吳阿妹之食借
往族兄吳超家求取錢米而回行至洞橋地方撞遇林兆德訴及受
餓詎林兆德起意誘拐領往熟識之胡天榮家給與飯喫隨與胡天
榮商同賣銀分用并向吳妹媛說明賣作婢女又許安頓其弟可以
均有飯喫吳妹媛等年幼無知俱各允從是晚林兆德與胡天榮帶
同吳妹媛等搭船前赴溫郡次日日至王尚升家內托賣林兆德改名
吳兆進認吳妹媛等爲弟妹王尚升信以爲實因蔡老四有族弟蔡
元華託買婢女王尚升卽將吳妹媛領賣與蔡老四議定身價銀十
二兩九五折扣計實銀十一兩四錢林兆德因情虛不肯當面成交
詭稱賣妹難以見人令王尚升代寫文契持往蔡老四先付王尚升

銀六兩四錢王尚升交與吳天榮轉給林兆德口稱止有此數餘銀
五兩王尚升私自隱瞞迨蔡老四買成之後適蔡元華至溫嫌吳妹
媛年幼蔡老四又憑王君魁張國勳爲中將吳妹媛轉賣與閩人林
天輿爲使女得價十四兩除扣原價銀六兩四錢又找給王尚升銀
五兩分給王君魁張國勳媒錢各八錢四分餘銀八錢七分零蔡老
四自得時吳阿妹尙未賣去有吳德華風聞林兆德等拐賣之事告
知吳妹媛之堂母舅鄭文高轉告吳超吳超卽免鄭文高吳德華追
尋吳德華又轉邀已革民壯潘升同至王尚升家根追知人已賣去
吳德華卽令林兆德將所賣原銀交出收去吳天榮追往索分鄭文
高將銀二兩換錢與吳天榮吳德華潘升各分錢三百五十文又各
分銀九錢餘銀爲雇船并買酒食之費十三日抵家將林兆德等拐
騙情由告知吳超控縣追出吳阿妹并關追吳妹媛拘提各犯究出

前情將林兆德誘拐女祝照和誘爲首例擬遣胡天榮依爲從例擬
徒蔡老四等擬以杖徒等因咨部經臣部以林兆德誘拐女孩吳妹
媛并其弟吳阿妹查吳阿妹年止八齡實屬童穉無知自應照十歲
以下雖和同畧誘法定擬該撫既將吳阿妹擬以不坐乃復將林兆
德照和誘知情擬遣殊未允協行令該撫詳核律例妥擬具題到日
再議等因咨駁去後今據該撫疏稱查律載畧賣十歲以下雖和亦
同畧誘法等語吳阿妹雖屬和同被誘但年止八歲寔屬童穉無知
似不得與和誘知情並論林兆德除和誘吳妹媛輕罪不議外依律
擬絞監候胡天榮擬遣蔡老四等仍照前擬完結等因具題前來
據此應如該撫所題林兆德合依誘拐子女不分已賣未賣但誘取
者被誘之人若不知情爲首絞監候例應擬絞監候秋後處決胡天
榮合依爲從例發雲貴川廣烟瘴少輕地方交與地方官嚴加管束

該撫前咨內稱蔡老四訊無串同拐賣情事其買回吳妹媛因伊弟
嫌小不要得價轉賣尙與販賣有間應比照假以乞養過房爲名買
良家子女轉賣者杖一百流三千里律量減一等杖一百徒三年既
據該縣開查該犯有繼母戴氏年已七十家無以次成丁取有印甘
各給與畧養之例相符相應聲明聽候部議如准其留養照例枷責
發落吳妹媛被誘之時年已十歲以上合依被誘之人減一等杖一
百徒三年年未及歲照律收贖吳阿妹應照和誘本律十歲以下雖
和亦同畧誘法被誘畧者不坐王尙升雖未知拐帶情由但畧留住
歇又侵沒身價銀兩應比照並無和同誘拐分受贓物暫畧留數日
例枷號兩個月杖一百折責四十六板鄭文高吳得華潘升分用身價
應照知人畧賣和誘人而分贓者計所分贓准竊盜爲從論律竊盜
贓一兩以上杖七十爲從減一等杖六十各折責二十板免刺王君

魁張國勳並不查明來歷混作中保應照不應重律杖八十折責三十板林天輿訊不知情應予免議仍于蔡老四等名下照追身價給領各犯名下所得銀錢照追入官吳妹媛吳阿妹飭令族兄吳超領回等語均應如該撫所議完結查胡天榮事犯到官在乾隆二十年六月初七日

恩詔以前遣犯胡天榮應減爲杖一百徒三年至配所折責四十板徒犯蔡老四應減爲杖一百幼女吳妹媛所犯徒杖應行援免擬以枷杖之王尚升等概行寬免至蔡老四既經減杖完結該撫聲請留養之處毋庸議該撫疏稱此案罪名業已遵駁改正例得免議等語相應免其查議再該撫疏稱律稱畧賣卽十歲以下子女罪止滿流而例則並未分晰年歲僅以知情不知情分別絞遣律與例罪名懸殊乾隆五年有吳縣民馬榮誘拐幼童文元一案因例內未分年歲擬遣

完結究之被誘者年在十歲以下例內並無作何治罪之文恐遇有此等案件問刑衙門初泥辦理未能畫一相應聲明聽候部定通飭遵行等語查律載畧誘良人賣爲奴婢者杖一百流三千里若和同相誘杖一百徒三年十歲以下雖和亦同畧誘法又例載誘拐婦人子女不分已賣未賣但誘取者被誘之人若不知情爲首者擬絞監候各等語夫十歲以下雖和亦同畧誘法今畧誘杖流之律已改爲絞候之例則和誘十歲以下自應從例問擬至例內並未分晰年歲者以十歲以下旣律有明文例自不必再加分別此等案件自當詳考律例辦理未便牽引成案應將該撫聲明部定通行之處毋庸議等因乾隆二十年十月二十五日 題二十七日奉

旨林兆德依擬應絞着監候秋後處決餘依議欽此等因于乾隆二十年十一月二十四日准咨

謀殺人加功之犯與尋常加功不同者量減擬流

刑部爲報明事本部會同院寺會看得嘉興縣民張四等謀死郁二一案據原任浙撫周 疏稱緣張四與郁二并張君甫俱係漁戶以船爲家郁二本係竊匪張君甫曾僱郁二幫同種菱郁二遂與張君甫之妻宗氏通姦乾隆十八年五月二十一日郁二誘騙宗氏在船姦宿經張君甫控縣將郁二宗氏照例枷責宗氏交張君甫領回詎郁二仍往張君甫船內勾引宗氏亦不服伊夫管束復被郁二誘去同船度日張君甫畏懼郁二強橫不眠空究棄妻不管比郁二素性兇暴兼又貧乏宗氏旋自愧悔十九年八月張四雇倩宗氏採菱宗氏向張四訴知欲回夫船畏慮郁二不容張四亦有圖姦宗氏之心聞宗氏欲回夫船知其心已不向郁二教令宗氏用砒毒死宗氏未

允而散張四將宗氏欲回夫船并毒死郁二之語告知張君甫張君甫不答至乾隆二十年二月十七日適百家涇地方演戲宗氏與郁二駕船前往觀看張君甫同長子張大幼子閔福并張四等俱搖船在彼看戲宗氏因見幼子閔福用手招引郁二喝住宗氏傷心垂淚張四目擊情形抱憤不平蓄意圖害郁二爲宗氏洩忿以遂其私復向張君甫提及宗氏欲回之語比張君甫與長子張大亦俱憤恨莫釋次日至張四船內商議張四聲稱將郁二緘死又慮郁二力大張大卽于十九日往邀素相交好之高大幫助高大亦素知郁二姦占張大之母心懷不平當卽允從隨至張君甫船內與張四等同飲張四攜帶麻繩一根張大給與鉄圈一個黃昏時分張四搖船往誘郁二捕魚時郁二已睡宗氏會意卽駕郁二之船同張四之船並至曠野岳蕩橋車涇停泊張君甫之船亦尾隨而至張四約會張大等將

船停至郁二船邊張四高大先後過船郁二坐起高大卽拳毆郁二左眼胞郁二仰倒高大用手又住郁二咽喉復揜住其手張大前往揜住郁二兩脚張四將麻繩套在郁二頸內繩頭套入鉄圈用力收緊郁二被緘立時斃命隨開船前至湯曹港地方張四解下郁二頸內麻繩爲其穿戴衣帽宗氏在船艙取出火繩木槌等物繫放郁二屍上裝做偷猪窃賊被人致死情形張君甫將郁二屍首拖至船頭張四高大張大等損棄路上而散經屍兄郁大控縣拘獲宗氏等寃出前情屢審供認不諱將張四依律擬斬高大依律擬絞俱監候張大等分別擬以流徒援減等因具題前來據此應如該撫所題張四合依謀殺人造意者斬監候律應擬斬監候秋後處決高大合依從而加功者絞監候律應擬絞監候秋後處決均照例刺字該撫疏稱張大幫同揜脚亦應照從而加功律擬絞但該犯因母被郁二姦

佔天良難泯仇恨心切聽從張四主使謀死且郁二強佔人妻已有應死之罪與尋常謀殺人從而加功者不同應請將張大減一等杖一百流三千里張君甫宗氏均合依從而不加功律各杖一百流三千里宗氏係婦人照律收贖至張君甫因妻被郁二姦佔先經控寃有案今聽從張四主使謀死姦夫亦與常人不同應將張君甫亦量減一等杖一百徒三年相應聲明統聽部議如在其減等查張大張君甫宗氏俱事犯在乾隆二十年六月初七日

恩詔以前張大流罪應減爲杖一百徒三年張君甫徒罪應減爲杖一百宗氏流罪應請援免並免收贖等語查張大之母宗氏被郁二恃強姦佔致令母子不能聚會是郁二本有應死之罪張大心切復仇聽從張四幫同殺死郁二止宜科以擅殺之罪不當律以謀殺之條張大不應如該撫所題照謀殺人從而加功律量減一等擬流減徒應

改照罪人本犯應死而擅殺者杖一百律應杖一百事犯在
恩詔以前應予援免張君甫流罪應如該撫所題准其量減一等杖一百
徒三年事犯在

恩詔以前應減爲杖一百折責四十板宗氏流罪應予援免并免收贖宗
氏仍給張君甫領回完聚等因乾隆二十年四月十七日題十九日
奉

旨張四依擬應斬高大依擬應絞俱着監候秋後處決餘依議欽此

關毆

故殺妻情形免殘亦不准附請絞決

刑部爲呈報事該臣等會看得曹五正劉死伊妻饒氏一案據直隸
總督方 疏稱曹五正與伊妻饒氏結縭九載生育子女因饒氏素
性悍潑不服教訓被曹五正之父將伊夫婦分出另居曹五正之女

在街饒氏赴街毆打曹五正將氏拉回饒氏隨將曹五正手臉抓傷
并行穢罵曹五正氣忿卽拾磚毆傷饒氏額顱腦後等處饒氏哭罵
當有伊父曹小字踵至見曹五正將妻毆傷拾磚擲打曹五正跑逸
晌午時分曹五正回歸饒氏仍罵不休曹五正復與吵嚷而出迨至
下午回家饒氏復向曹罵曹五正回罵饒氏逞忿撒潑將門後豎立
鋤刀放倒臥地混罵激令鋤死時饒氏之頭逼近鋤刀曹五正被罵
忿極頓萌殺機隨用右手揪住饒氏髮髻將氏頭拉入鋤床之上用
力將刀按下致將饒氏頭顱鋤落殞命屢審不諱將曹五正依律擬
絞等因具 題前來應如該督所題曹五正合依故殺妻律擬絞監
候秋後處決再諫督 疏稱該犯與妻饒氏結縭多年生有子女乃
因口角細故輒將其頭顱鋤下致令身首異處寔與尋常故殺妻者
不同一律絞候殊覺情浮於法可否卽行絞決以懲兇暴之處相應

附疏聲明恭候

欽定等語查故殺妻者律止絞候曹五正因口角細故輒將伊妻饒氏頭
一顧劍下致令身首異處死殘已極誠非尋常故殺妻者可比應否卽
行絞決之處相應一併聲明請

旨定奪恭候

命下臣部遵奉施行等因奉

旨曹五正依議應絞着監候秋後處決欽此乾隆二十年八月卽報

誤傷小功服兄致死擬斬候

刑部爲乞驗究償事該臣等會議得賴國考擲石誤傷小功服兄賴
國裕身死一案據福撫鍾 將賴國考依律擬斬立決并聲明賴國
考被賴士詔拾石向擲因而拾石回擲誤傷斃命寔非有心干犯尊
長相應聲明聽候部議等因具 題經刑部等衙門議覆奉

旨九卿議奏欽此欽遵查賴國考與賴國裕素無嫌隙緣乾隆十九年十

一月初九日賴國裕之子賴士詔赴山取柴砍伐賴國考茶樹枯枝
被賴國考撞見奪回柴刀賴士詔索取柴刀彼此爭論賴士詔拾石
向擲賴國考退避隨手亦拾石回擲賴士詔閃開不意賴國裕聞鬧
趨出適至賴士詔背後致石誤傷賴國裕心坎族保勸散賴國裕自
謂過誤傷輕不必報官詎越數日傷漸沉重至十八日殞命查賴國
考因賴士詔偷砍茶枝撞遇奪刀賴士詔索取柴刀彼此爭論賴士
詔先用石向擲賴國考亦拾石回擲不意賴國裕聞鬧趨出適至賴
士詔背後以致誤中心坎越十日殞命傷由誤中死經一旬並非有
心干犯尊長與逞兇毆死服兄者有間應將賴國考改爲擬斬監候
餘仍照刑部等衙門原議可也謹 題奉

旨賴國考改爲應斬着監候秋後處決餘依議乾隆二十年十二月十七

日邸抄

因逼嫁伊母致死胞伯改斬監候

刑部為報明事該臣等會議得王光朝毆傷胞伯王新基身死一案
據晉撫恒 審 題以王新基係王光朝胞伯不念伊弟手足之情
貪利忘義輒將弟婦侯氏逼迫改嫁王光朝因痛母情徯與之理論
王新基復欲毆打以致還擊身死情似可憫但倫紀攸關法難寬宥
將王光朝依侄毆伯叔死律擬斬立決等因具 題奉

旨九卿議奏欽此查王光朝因胞伯王新基貪得財禮逼令伊母侯氏改
嫁王光朝為母送粮回家不見其母隨往王新基家尋覓王新基告
知改嫁情由王光朝痛母情深與之理論王新基復欲毆打以致還
擊身死論法寔難寬貸揆情尚可矜憫王光朝似應量子末減改為
擬斬監候秋後處決餘仍照刑部等衙門原議辦理等因奉

旨王光朝改為應斬着監候秋後處決餘依議乾隆二十一年五月二十六

日邸抄



旂奴告主問徒限滿照例官賣仍令為奴

刑部為傳知事浙江司案呈准山西司傳抄大學士公傳等謹 奏
查向例旂奴徒滿之後仍給還伊主管理但奴僕告主嫌釁既開若
徒滿之後仍給原主恐伊主挾嫌凌虐或該奴積怨愈深轉致釀成
事端均未可定若使徒滿回旂竟與開戶為民者無別則伊轉得閑
散亦非懲處之道臣等愚見此後旂奴告主徒罪限滿之日應交與
各該旂照例官賣仍令為奴其價給還原主庶有管束亦不致滋事
如蒙

俞允即交該部照此辦理謹 奏乾隆二十年十二月十五日奉

律例續增 卷三十一
旨依議欽此

犯姦

強姦婦女致死同謀助力者比照謀死人從而加功例擬絞

刑部爲乞驗究償事該臣等會看得何必與妻高氏商謀強姦未成婚弟嬾陳改娘受傷身死一案據福撫鍾 疏稱緣陳改娘係何必之弟何扶聘定爲妻議俟十三歲過門撫養成婚乾隆十八年陳改娘年已十四何扶欲往臺生理與陳改娘之父陳珏言明每年給穀三石以爲陳改娘日食之資十八年應給之穀何必已如數交給至十九年六月十八日陳珏向何必取穀何必以歉收不給二十日陳珏將陳改娘送至何必家共食二十一日陳改娘仍欲回歸向高氏取穀爭鬧經何必喝止二十二日何必年少頑萌淫念與高氏商謀令其幫助勒姦免致取穀高氏應允是夜二更時候何必乘陳改娘

睡熟潛至陳改娘床上高氏恐陳改娘推却用布條縛其兩手何必脫下陳改娘之褲陳改娘驚醒喊叫高氏又取布塞住陳改娘之口不使出聲何必強姦陳改娘陳改娘掙滾何必用手按住臍下而膻高氏拏住頭面以致陳改娘滾撞床檻挫傷右太陽連右耳輪等處何必姦畢解放陳改娘僅存一息至二十三日殞命屢審不諱何必擬斬立決高氏擬絞等因具 題前來應如該撫所題何必合依強姦將本婦立時殺死擬斬立決該撫疏稱高氏同謀助力用布塞口以致陳改娘滾撞傷及太陽等處身死查幫同強姦致死律例並無正條如照強捉之人問擬杖流未足蔽辜高氏應比照謀殺人從而加功者絞律擬絞監候聽候部議請

旨遵行等語查例載律例無可引用援引別條比附者于疏內聲明律無

正條比照某律某例科斷詳細 奏明恭候

諭旨遵行等語今高氏帮伊夫何必強姦陳改娘致死律例並無正條亦應如該撫所題高氏應比照謀殺人從而加功者絞監候律應擬絞監候秋後處決雖事犯在乾隆二十年六月初七日

恩詔以前不准援減仍將比附之處照例聲明恭候

諭旨遵行謹 題奉

旨何必着卽處斬高氏依擬應絞着監候秋後處決餘依議等因乾隆二

十年十二月十二日即抄

持刀嚇逼成姦不應照強合和成律科斷

刑部爲稟報事該臣等會看得劉銘搶姦劉廷輔之妻張氏一案據

安撫鄂 疏稱緣劉銘係劉廷輔大功服弟乾隆十九年三月內劉

廷輔外出傭工遺妻張氏在家因貧乏食三月十二日前赴伊翁劉

浦家就食劉浦亦以窮難兼養十四日將張氏送歸母家行至相山

城西門外時已薄暮忽遇劉銘起意圖姦聲言代送劉浦不允劉銘

輒將劉浦推跌倒地強拉張氏至素識之劉三麻家嚇逼成姦嗣後

被人跟尋又領往裴二家藏匿劉浦控州緝獲劉銘等到案屢審不

諱查劉銘推跌服伯強奪服嫂嚇逼成姦雖屬和成亦未佔爲妻妾

但該犯罔顧尊卑淫克無忌若僅照和姦科罪不足蔽辜劉銘應比

照強奪良家妻女姦佔爲妻妾律擬絞監候張氏擬徒收贖等因具

題前來查律載姦內外總麻以上親之妻強者姦夫斬監候又律載強

姦者婦女不坐各等語今此案劉銘途遇親伯劉浦送媳張氏歸家

劉銘見天色昏暮輒起意圖姦服嫂聲言代送劉浦不允該犯卽將

劉浦推跌強拉張氏至素識之劉三麻家持刀嚇逼成姦復將張氏

領至裴二家中藏匿姦宿迨裴二回家盤問張氏遂將劉銘搶奪情

由告知裴二卽驅逐被獲是張氏實係被逼成姦並非甘心和姦未

便照強合和成科斷自應仍照強姦例定罪且該犯滅倫傷化淫惡已極亦未便舍服制正條比照強奪良家妻女例治罪劉銘不應如該撫所擬照強奪良家妻女姦佔爲妻妾例擬絞應改依姦內外總麻以上親之妻強者斬監候律應擬斬監候秋後處決張氏係被劉銘強搶持刀嚇逼成姦不應律以和姦杖徒之罪張氏應依律不坐可也等因奉

劉銘依議應斬着監候秋後處決餘依議乾隆二十年十月十一日即

抄

獄

失人人罪之案議處不准抵銷

刑部爲檄行提審事會同吏部院寺會審得雲州絞犯自上品秋審鳴冤一案據陞任雲南巡撫愛必達疏稱緣現獲李氏因前夫字開

病故于乾隆九年改嫁自上品爲妻素相和好十六年間自上品與張成之妻已死字氏通姦遂與李氏不睦時常毆罵李氏告經前在病故知州戴濟川批斷有案嗣于十八年四月初十日自上品因妻李氏不往割麥又行毆打并嚇以明日再不上緊割麥定行打死之語李氏惧怕卽于十一日逃避尋覓無跡六月內該州戴濟川訪聞自上品有毆妻李氏致死情事隨拘拿自上品及隣佑人等查訊李氏之母羅陶氏同子羅玉聞知該州訪查卽以生死不明等情具訴該州帶同自上品等親詣歇牛廠箐驗情形并打撈屍骨未有踪影因自應達係自上品緊隣撩夾嚇問自應達隨誣認四月十三日晚聞自上品告知毆死李氏之事逼勒同至歇牛廠將屍燒化成灰拋撒河裡沖去等情該州因自應達已經供認卽將自上品夾訊自上品不知李氏下落又見自應達已經誣認亦卽畏刑誣服自認毆死

燒屍是實該州戴濟川據供定罪并于自上品解審時嚇以若到上
司衙門翻供發回定行夾死等語自上品慮恐再來由府司解院節
經研審悉照州審供認無異將自上品依夫毆妻至死律擬絞監候
并將自應達依殘燬他人死屍爲從減一等律杖一百徒三年照夷
例枷責發落審 題接准部覆在案詎李氏自十八年四月十一日
逃避山箐因無人找尋不敢歸家于各村寨求乞度日迨十一月行
至牛圈坡地方遇見李文高問及住址姓氏認係族妹李氏捏稱夫
故無依乞食在外李文高信以爲寔即收留居住十九年二月間適
有同村尹大脖欲行續娶經陳國玉作伐李文高商之李氏當即依
允遂又改嫁尹大脖爲妻僅收衫褲酒肉並未寫立婚書亦無收受
財禮乾隆二十年自上品解省秋審知係問擬死罪于四月初七日
臨審哀籲呼冤隨經檄行按察司飛飭查拿李氏及案內應訊犯証

一併解省委員確審並於秋審案內聲明俟審明另行具 題在案
茲據按察司沈嘉徵審擬招解前來覆加親訊據自上品將畏刑誣
認李氏將逃走改嫁各情由供吐如繪查自上品從前招認毆妻致
死既經審明畏刑誣服且李氏現在質認明確應將自上品卽行釋
放李氏屢被伊夫自上品毆打輒逃往牛圈坡改嫁與尹大脖爲妻
合依律擬絞監候有干不義不准援

赦自應達等擬以徒杖分別援免等因具 題前來據此應如該撫所題
李氏合依妻背夫在逃因而改嫁者絞監候律應擬絞監候秋後處
決雖事犯到官在乾隆二十年六月初七日

恩詔以前但係背夫改嫁有干十惡不義之條應不准援免自上品從前
招認毆妻致死今既審明係畏刑誣服且伊妻李氏已現獲質明擬
絞自上品應卽行釋放該撫既稱自上品與張成之妻字氏通姦應

例案續編 卷三十七 斷獄 三
照例枷責但拖累已久並請寬免自應達証証自上品毆死李氏應照証佐不言實情減罪人二等律于死罪上減二等杖一百徒三年已于原案内依殘燬他人死屍爲從問擬滿徒照夷例枷責發落在案罪名相等應免重科主婚之李文高媒人陳國玉婚娶之尹大脖俱不知情應照例免坐楊文學訊係無干應先省釋羅陶氏同子羅玉因李氏尋訪無踪值該州訪查始以生死不明具訴並非誣告應請免議經承李昌文不行稟阻應照不應重律杖八十事犯到官在恩詔以前應請免罪前任雲州知州戴濟川審理絞罪重情並不虛心研鞫將枷杖之自上品刑求誣認錯擬縲首殊屬枉斷合依官司斷罪失于入者減三等囚未決放又減一等律杖八十徒二年已經病故應毋庸議等語均應如該撫所題完結再該撫疏稱順寧府知府李清載按察司沈嘉徵及臣愛必達俱自行審出實情聽候部議等語

查定例斬絞人犯未經審出寔情者將未經審出各官降一級調用轉詳之司道罰俸一年督撫罰俸六個月等語此案該府等初照州審遽行定擬追秋審鳴冤覆審始自行審得實情其從前不能審出之處仍應照例議處應將順寧府知府李清載照例降一級調用雲南按察司沈嘉徵照例罰俸一年雲南巡撫陞署雲貴總督愛必達照例罰俸六個月查李清載有紀錄四次應銷去紀錄四次抵降一級免其降調等因乾隆二十年十二月初七日 題初十日奉

上日李氏依擬應絞着監候秋後處決此案誤將自上品審係毆妻至死擬以絞候之知州戴濟川知府李清載均有失入之咎非尋常因公處分可比雖自上品尙未處決然既經定案卽不得以未決寬其處分且州縣實擬不實全賴核轉之知府爲之改正李清載着降一級調用不往抵銷嗣後凡議處失入之案着以此爲例沈嘉徵着罰俸一年愛必達

着罰俸六個月餘依議

有開倫常姦盜毆殺等案須從實究擬

刑部爲報明驗究事本部會同吏部院寺會看得湖口縣民徐榮光致傷期親服伯徐仲先身死一案據江西撫胡寶瑤疏稱徐榮光與徐仲先同院居住素無嫌隙緣徐仲先分有祖遺房屋三間居中一間向供祖先香火只許別房拜祭不許管業乾隆十九年十一月二十五日徐明先命子徐榮光將水車一乘樹本一截擡放祖堂梁上二十六日徐仲先投經族隣令將車禍搬開其事已息是夜二更時分徐仲先在房就寢復詈徐明先父子時徐榮光在房織布未睡聞而走至堂屋勸令勿罵詎徐仲先聞聲卽披衣開門口罵不已身向徐榮光撲毆徐榮光一時情急隨手在堂屋旁邊摸取防夜鉄鎗用杆攔格黑暗忙迫中一時看認不清誤用鎗尖劃傷徐仲先臍肚上

偏右倒地徐榮光先奔避徐仲先喊叫伊子徐蒂學聞聲起視見父受傷扶入房內報縣驗傷押辜醫治不痊延至十二月初四日殞命訊據徐榮光供認不諱究非有心欲殺將徐榮光擬斬立決先行刺字徐明先擬杖援免等因具題前來據此應如該撫所題徐榮光合依侄毆伯叔父母至死者斬決律應擬斬立決該撫旣稱徐明先混將車樹命子搬置祖堂起衅釀命合依不應重律杖八十查徐明先事犯在乾隆二十年六月初七日

恩詔以前徐明先杖罪援免等語應如該撫所題完結等因乾隆二十年十二月初七日題十一日奉

旨刑部定擬徐榮光致死徐仲先一案本內稱徐榮光聞徐仲先詈罵伊父榮光走至堂屋勸阻仲先開門撲毆榮光一時情急隨手誤用鎗尖致傷等語此顯是榮光至堂屋尋衅以致爭毆後刃傷服伯卽法司亦

何嘗不謂罪無可逭應抵法者而向來外省問刑官于凡奸盜毆殺等案尚皆據供寔叙惟于倫常有闕之案明知法在不貸而必曲爲之辭似屬情有可原者亦不止此一案已也是徒知以姑息爲仁而不知隱教之以下孝不弟甚無謂也嗣後似此案件內外問刑各衙門務宜詳察實情取具確供不得仍用虛詞徐榮光着卽處斬餘依議欽此乾隆二十一年正月十八日准咨

定擬故殺人犯秋審翻供卽正法

刑部爲報明事該臣等會看得斬犯鍾維舜鎗傷唐添儀身死秋審翻供一案據大學士調任四川總督黃 疏稱緣鍾維舜價買湖廣利川縣民蔣公韜田地一分修房居住嗣因此田經川楚兩省委員勘明斷歸川省民譚鍾秀耕管譚鍾秀復轉售與楊漢生執業鍾維舜遂向楊漢生混爭將所修房屋燒燬楊漢生隨捏報伊弟楊雲生

被蔣公韜糾衆放鎗打死燒屍前仕知縣劉高培差捕被鍾維舜等放鎗將差人陳剛曾榮梁茂榮俱合打傷報縣移緝旋據楊漢生訪聞鍾維舜住居蔣公韜家邀約唐二奇唐添儀何九海幫同捕拿行抵蔣公韜屋後鍾維舜窺知往捕逃于門縫點放一鎗中傷唐添儀胸膛臙肘右脇殞命又經前縣劉 尚培獲犯委員會審該犯鍾維舜將放鎗打死唐添儀情由供認不諱業將鍾維舜依故殺律擬斬監候 題准在案詎鍾維舜堂兄鍾維亮于乾隆十九年七月途遇唐 庚候言及見一人面貌與唐添儀相似恐係唐添儀未死囑令鍾維亮查訪鍾維亮探有唐天佑其人正欲稟縣于八月二十日適值萬縣同利川縣在彼會勘唐天佑亦在該處閑看鍾維亮卽將唐天佑指爲唐添儀扭稟到縣訊明寔係誤認省釋至乾隆二十年四月鍾維舜解省秋審鍾維亮于途次告知前情鍾維舜心疑萬縣不與伸

雪妄希僥倖萬一遂于秋審時混供唐添儀現在存活極口呼冤當
卽檄提卷証委員會審據譚鍾秀及保隣人等僉供唐天佑係唐添
儀之弟實非唐添儀質之鍾維亮亦稱誤聽唐康侯傳言錯認實屬
衆供_心鑿毫無疑竇鍾維舜亦甘認罪無辭查鍾維舜烏鎗傷人原
_一斬候應入本年秋審情實之犯未始再予監候應照本犯斬罪
題請正法等因具 題前來查鍾維舜一犯係故殺唐添儀擬斬監
候應入本年秋審情實題請勾到之犯雖例內並無故殺卽行正法
之條但該犯捏飾翻_心希圖緩死自未便再予監候可否將該犯故
殺本罪卽行正法之處相應聲明請

旨定奪該督既稱鍾維亮妄指唐天佑爲唐添儀審由風聞唐康侯之言
疑以錯認但于已經查明訊結之後復轉告鍾維舜致滋翻供合依
不應重律杖八十事犯在

恩詔以前杖罪寬免唐康侯等飭緝獲日另結等語應如該撫所題完結
可也謹 題奉

旨鍾維舜着卽正法餘依議乾隆二十年十一月初七日邸抄



行追核減銀兩從_心業經題免續查應追之項確查原案徑於任
所取結 題豁

工部咨 海塘魚鱗等事乾隆二十年十月初一日准浙撫周 咨
_一奉部咨行原任西防同知趙應名欠繳魚鱗石工并搶修塘坦案
內核_心等銀三千六百二十三兩七錢一分三厘零前經原籍查明
並無財產可追咨行浙省任所查辦等因行據杭防道查明任所並
無資財隱寄取具各結詳送查趙應名前于一件題銷雍正四年錢
糧等事案內應追未完銀九十四兩三錢查明原籍任所無可着追

依案補填
卷三十七
三
當經取結題免今此案事同一例既經原籍查明寔無可追任所確
查又無資財隱寄與豁免之例相符擬合咨部入于無着案內歸結
等因前來查趙應召名下應繳浙省海寧縣建築魚鱗塘工案內核
減銀二千二百八十九兩一錢八分四厘一毫零又鉄器變價銀七
兩三錢三分九厘零又爲查勘江海等事案內乾隆二年仁寧二縣
搶修埕坦土戢工程核減銀三百二十七兩一錢九分一毫零共銀
三千六百二十三兩七錢一分三厘先因原籍奉天府查無產業可
追經本部移咨浙撫飭該故員任所查辦在案今該撫咨稱趙應
召前于一件題銷雍正十年錢糧等事案內應追銀兩查明原籍任
所無可着追當經取結題免今此案事同一例既據原籍任所查無
資財隱寄與豁免之例相符應請入于無着案內歸結等語但查工
程核減

國帑攸關雖該員業經題免于前其續行查出應追之項遽行咨結究
非慎重錢糧之道應令該撫將趙應召名下應追前項核減銀三千
六百二十三兩七錢零仍行照例題明辦理並通行各省督撫嗣後
凡一切行追核減銀兩務明各該員原籍任所無力完繳已經題豁
者其復有應追之項督撫等確查從前題豁原案于文內詳細聲
明徑于任所取結具題辦理毋庸重複轉行咨查以清案牘可也于
乾隆二十一年十二月二十三日浙省准咨

文政司西

